



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 25. Reformationis executio apud Silesios & Bohemos.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. idem Pontifex Benedictus XIV. edita
A. C. 1631. Constitutione die trigesima Aprilis an-
 no Domini millesimo septingentesimo
 quadragesimo nono Jesuitarum insti-
 tutum a Clemente XI. fuisse resuscita-
 tum, asseri, vel Mariam de War-
 cultu publico vel Beatæ titulo, vel pe-
 negyri, aut Missa votiva in ejus die
 obitus honorari, aut Anglicarum Vir-
 ginum Fundatricem nuncupari inhibuit
 declaravitque, Anglicanarum Virginum
 institutum nullo modo ad Jesuitarum
 institutum pertinere, illas vero non
 esse vere Religiosas, sed duntaxat sim-
 plicibus votis obstrictas, Ordinariorum
 jurisdictioni subjectas, atque ab eorum
 Confessariorum deputatione depe-
 dentes.

§. XXV.

*Reformationis executio apud Silesiam
 & Bohemos.*

Khevenh.
Annal. Ferd.
p. 1992. t. II.
Lotich. rer.
Germ. l. 38.
cap. 4.

Novi Protestantium motus haud mo-
 rabantur Ferdinandum Cæsarem
 quo minus immoto Religionis studio
 subditos suos a sectæ tenebris ad veram
 fidei lumen revocare niteretur. Eo tem-
 pore Henrico Baroni de Nebra, qui se-
 premus in Schweidnicensi & Javaren-
 Ducatu militiæ Præfectus erat, in man-
 datis dedit, ut Strigaviæ edictum po-
 blar

blice affigeret, cujus summa hæc erat: Sæc. XVII. A. C. 1631.
 „Quantumvis cives Cæsari promississent,
 „quod a Prædicantium suorum concio-
 „nibus abstinere, atque Religionis Ca-
 „tholicæ veritates ab eruditis Viris
 „haurire vellent, nihilominus consta-
 „ret, quod violata promissi fide turma-
 „tim ad Prædicantes suos excurrerent,
 „Catholicæ Religionis exercitia partim
 „ex contumacia, partim negligentia
 „contemnerent, fidemque veram semel
 „agnitam rursus ejurare quærerent, hinc
 „statutum sciant, quod Judex Regius
 „omnes cives privilegiis, hæreditatibus
 „& Legatis excludere teneatur, donec
 „percepta sacra synaxi se in Religione
 „Catholica semel assumpta constantes
 „fore probaverint: contumaces vero
 „emigrare haud permittat, nisi prius
 „decimam bonorum partem pro more
 „Cæsari numerarint, creditoribus satis-
 „fecerint, liberos suos & quidem ma-
 „sculos nondum octodecim & femellas
 „undecim annos natas, unacum legiti-
 „ma pro eis portione reliquerint, pol-
 „liciti, se nunquam in Silesiam reditu-
 „ros: qui vero a Religione Catholica
 „resilierint, intra mensis spatium emi-
 „grent, secus custodiæ dandi, nec inde
 „liberandi, nisi plene in fide Catholica
 „prius fuerint instituti. „

Sæc. XVII.

A. C. 1631.

Cum autem Joachimicæ Vallis incolæ in Bohemia ceteris petulantibus contumaciam suam proderent, hic Colobratius & Wahlius Cæsaris Legati unacum quinquaginta militibus eo processerunt, civibusque fortiter resistens adhibita vi in ædes perruperunt. Id iniquius ferebant incolæ, jamque Cæsareos aggredi parabant, ut erga sanguini parceretur, Legati in mandatis dedere, ut milites relictis civium ædibus in publico diverforio subsisterent. Altera die undecima Martii Legati incolis omnibus una congregati præceperunt, ut intra tridui spatium ad Catholicam fidem reverterentur, secus bonis & patria privandi: illi vero, qui duodecimum ætatis annum attigerant, indicta pecuniarum poenâ injunctum, ut sacro interessent. Verum civium plerique clam urbe excesserunt, ceteri autem comparere jussi, respondere sortem. Unde Legati Consularem & Prætozem missis sex satellitibus evocarunt, hic autem ad alias ædes jam profugerat, ibidemque quæsitus denique fuga sibi consuluit: milites vero civium pertinacia exacerbati obvios octo incultas furiosius resistentes fustibus & pugnis coram Legatis ac duobus Jentis sistunt, quo comperto cives in for-

concurrunt, militesque, qui eos dissi- Sæc. XVII.
 pare nitebantur, aggrediuntur; pro- A. C. 1631.
 stratus ex civibus unus, vulnerantur
 alii; augetur inde civium furor, qui
 milites denso lapidum grandine ob-
 ruunt, plures trucidant, ceteros in fu-
 gam agunt. Hoc successu elati cives,
 uno agmine in milites irruunt, eosque
 in Curiam propellunt, nec inde recef-
 suros, nisi una omnes trucidassent: Le-
 gati tamen hosce furibundos placare
 intenti, per fecialem eis nuntiari jus-
 sere, ut ab ulteriore violentia abstinere-
 rent, eoquod Legati vicissim, illos haud
 ultra esse molestandos, publicæ fidei
 literis caverent. Hac ratione tumultus
 resedit, atque Legati, & milites
 unacum Jesuitis innoxie abierunt, Ca-
 tholici pariter cives armatam Secta-
 riorum plebem veriti, patria excessere:
 Id ubi rescivit Ferdinandus Cæsar,
 hisce factiosis indicari præcepit, nil
 ipsis dein timendum fore, dummodo
 quiete subsisterent, & Catholicos alio
 dilapsos reciperent: graviora enim ma-
 la verebatur Cæsar, Sueco sat vicino,
 & factiosorum aliquot millibus jamjam
 ad arma convolantibus: sensim tamen
 hæ turbæ fuerunt extinctæ.